

Vinje kommune
Vinjevegen 192
3890 Vinje

Dykkar ref:
Vår ref: 2024/24430
Dato: 08.03.2024
Org.nr: 985 399 077

Statens tilsyn for planter, fisk, dyr og næringsmiddel



MATTILSYNET SI UTTALE TIL OPPSTART AV PLANARBEID FOR MOBØ BUSTADFELT 136/71 I RAULANDSGREND - OMREGULERING TIL BUSTADFELT

Mattilsynet syner til oppstart av planarbeid i Vinje kommune med høringsfrist 13. mars 2024.

Mattilsynet er offentlig mynde for drikkevatt, dyrehelse, dyrevelferd, plantehelse, fiskehelse og velferd.

Målet med planarbeidet er å omregulere detaljregulering Mobø 136/71 planID 20180001 til kommunalt bustadfelt. Detaljregulering for Mobø vart vedteke av kommunestyret 03.09.2020 i sak 20/75 og legg til rette for fritidsbusetnad, med 14 mindre tomter og 3 stortomter med fleire bueiningar.

Innspel til planarbeidet

I denne saken ser vi det viktig å syte for at omsynet til drikkevatt er teke hand om i planarbeidet. Vi forventar at kommunen sett føringar for det vidare arbeidet som gjeld vass og avlaup. VAO plan skal føreligge ved fyrste gongs høyring. Vidare ynskjer Mattilsynet å rå til at det vert lagt inn rekkjefylgjeføringar som ser til at VA er opparbeidd/godkjent jf plan – og bygningslova § 27-1. Det må altså undersøkast om det er mogleg å levere godt og nok drikkevatt i tråd med krav i drikkevannsforskrifta.

Det må gå tydeleg fram av planen at tiltaket ikkje er til ulempe for fisk. Generelt minnar me også om at det er nasjonal interesse at vassførekomstar skal vernast mot forverring, og forbetrast og gjenopprettast med sikte på at vassførekomstane skal ha minst god økologisk og kjemisk tilstand, jf. forskrift om rammer for vannforvaltningen (vassforskrifta) §§ 4 – 7. Vi forventar at planarbeidet følgjer opp Regional plan for vannforvaltning for perioden 2022-2027, som er tilgjengeleg på Vannportalen.no. Informasjon om miljøtilstand, miljømål og tiltak for den enkelte vassførekomst finst i Vann-nett.

Med helsing

Asle M. Fremgård,
Avdelingsleiar Mattilsynet Telemark

*Dette dokumentet er elektronisk godkjent og blir sendt utan signatur.
Dokument som må ha signatur blir i tillegg sendt i papirversjon.*

Kopi til
STATSFORVALTEREN I VESTFOLD OG TELEMARK Postboks 2076 3103 TØNSBERG